



JAVIER MOSQUERA

## PROTAGONISTAS DA RECONQUISTA DE VIGO

# Vázquez Varela e Cayetano Parada

O primeiro foi alcalde de Vigo escollido por un grupo de notables; Parada e Pérez de Limia, de Bouzas durante cinco mandatos

Francisco Javier Vázquez Varela naceu en Vigo o 8 de xuño de 1754 nunha familia de clase media dedicada á administración das rendas públicas e casa con Manuela Fontenla. Seguiu a carreira de Leis na Universidade de Santiago.

Ademais de traballar de abogado e asesor letrado de Guerra, Mariña e a Tesourería de Facenda, amasou una grande fortuna administrando os alevís do sal, administrando as rendas provinciais de Betanzos e outros negocios, de tal xeito que en 1811 era un dos 25 cidadadános máis ricos de Vigo. Viviu na rúa Oliva e tamén no Areal.

Tralo motín popular de xaneiro de 1809, no que o pobo arrestou ás autoridades municipais e militares viguesas baixo a acusación de afrancesados, un grupo de notables da vila escolleuno como alcalde-xuíz, de xeito que a súa primeira preocupación foi manter a orde, ameazando mesmo coa pena de morte aos que non entregasen os obxectos saqueados durante o balbordo popular.

Continuo no cargo baixo o dominio francés, como se pactara na rendición da praza, pero dende dentro e na medida das súas posibilidades, levou a cabo un segredo pero efectivo labor de zapa e desgastes dos invasores, prohibindo que rexistrasen as casas para aprovisionarse ou informando de epidemias. Tamén

mantíña contactos cos guerrilleiros do exterior, especialmente con abade de Valadares e co seu amigo Cayetano Parada, alcalde-xuíz de Bouzas, para organizar o cerco. Neste sentido facilitoulles armas e favoreceu a saída dos que querían unirse ao asedio.

Como consecuencia da guerra perdeu o seu pazo de O Penedo e un dos fillos en Riba de Tormes. Outro dos seus fillos quedou impedido. En agradecemento, algún vecino quixeron gravar nos muros da súa casa o seu nome con letras de ouro, negándose a tal van gloria.

Como se vira obrigado a xurarlle lealdade ao rei Xosé I Bonaparte e contribuíra a abastecer ás tropas francesas, tivo

que presentarse en Ourense en calidade de reo ante o marqués de Romana ou a Xunta de Lobeira, saindo airoso.

Fiel ás súas ideas absolutistas e á monarquía de Fernando VII, fixo fulgurante carreira na administración. Oidor da real Audiencia de Galicia, máximo tribunal rexio con sede na Coruña, alcalde de Casa e Corte de Madrid

e, como culminación, en 1816 ascendeu a Ministro do Concello de Facenda.

Faleceu en 1818. A proposta do entón alcalde, Ricardo Senra Fernández, a Corporación Municipal en sesión celebrada o 27 de marzo



Cayetano Parada e Pérez de Limia

de 1909 acordou por unanimidade que se lle dera o seu nome á rúa Dos Capuchinos, dende Urzáiz ata O Couto.

Ricardo Senra apreciu nos documentos existentes no Arquivo Municipal relativos á Reconquista as condicións de intelixencia, firmeza e patriotismo despregado por Vázquez Varela naquelas difíciles circunstancias.

### Cayetano Parada e Pérez de Limia

O fidalgo Cayetano Parada e Pérez de Limia naceu en Verín a mediados do século XVIII e chegou a Coia cara a 1770 para facerse cargo dos bens que lle deixa o seu tío, o presbítero Ignacio Pérez de Limia, propietario dunha Casa Grande na Pardaíña.

Casouse en primeiras nupcias con Joaquina Nogueira e en segundo matrimonio con Francisca do Carmen Troncoso, tamén viuda, e tivo numerosa descendencia. En 1772 apareceu como Alcalde-Xuíz do Coto de Valadares e ese mesmo ano comeza o primeiro dos cinco mandatos de Alcalde de Bouzas. O Cronista da Cidade, Bernardo Vázquez Gil destaca que nunca foi alcalde de Frago, erro moi repetido na súa biografía.

Conecta ben a Vázquez Varela e

foi un dos caudillos da Reconquista de Vigo, levantando ao pobo en armas contra os invasores, e actuando como auténtica man dereita do abade de Valadares. Foi o auténtico gran fornecedor da Reconquista, pois do seu propio patrimonio pagou o mantemento das tropas galegas durante o cerco. Na súa casa fabricábanse cartuchos

Segundo relata Espinosa citando a un dos seus descendentes, estando acampado preto de las murallas de la vila a noite anterior ao asalto en compañía do abade de valadares, Villageliú, Tenreiro e Almeida, entre outros, alguén lle suxeriu que dada a súa idade debería retirarse a descansar, ao que respondeu que "sendo tan vello como creyente, se non perezco na empresa xa pouco me quedará para descansar".

Demandou a axuda dos paisanos do Morrazo e conseguiu que os buques ingleses que estaban na ría se sumasen ao bloqueo e xunto co abade de Valadares e os paisanos reclutados por eles estableceron o bloqueo en terra, con máis ánimo que medios pois as armas eran escasas, das tropas francesas, o que facilitou a chegada a Vigo dos capitáns Cachamuña e Colombo.

Parada e Pérez de Limia foi un

dos condecorados co Escudo de Honor, aínda que moitos biógrafos cren que non se lle fixo xustiza, pois malia a súa idade, un home que abandonou a súa casa e arengó aos seus paisanos, sacrificando a súa facenda, expotendo a súa vida, mereca máis que unha medalla, "por moi honrosa que esta fose". O seu nome debeuse perpetuar de forma que recordase as súas virtudes e patriotismo.

De calquera modo, na Real Orde de 14 de xullo de 1814 fechada en Cádiz para a concesión do Escudo de Honor sinaláse que Cayetano Parada e catro dos seus fillos, ademais de Francisco Benito Rúa prestaron importantísimos, alarmando aqueles naturais e mantendo por espazo de quince días a máis de 1.500 homes aos seus expensas e defendendo varios puntos que contribuíron de xeito decisivo ao logro de tan gloriosa empresa.

Exerceu de xuíz-alcalde de Bouzas ata o Trienio Liberal. Implicado no levantamento pro-absolutista de El Cerquidío, foi detido e preso. A morte sorprendeu-lle pouco despois na súa casa da Pardaíña, en Alcobre o 24 de marzo de 1823, levando nas honras fúnebres 18 sacerdotes. O seu cadáver recibiu sepultura na igrexa parroquial.



Francisco Javier Vázquez Varela. / Ilustración: Arquivo do Museo Quiñones de León.



Tenencia de Alcaldía  
Concello de Vigo